



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CCXXXV. Reductio alternativæ electionis Vicarii Gen. Cong. Hispaniæ, &  
Indiarum Discalceat. Eremit. S. Aug. ad tres tantum Hispaniæ Provincias.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



vinciæ Castellæ statutum in Capitulo Provincia-  
li anno 1688. in Civitate Abulen. coactò non  
minus mature, quam solemniter desuper condi-  
tum, cum nimirum Fratres Provinciæ Castellæ  
præfata in simul congregati, secumque animo  
reputantes diffidia, & contentiones, quæ ex  
diversitate doctrinæ, ac varietate opinionum  
passim oriebantur, quo Religionis suæ honori,  
studiorumque ipsius Provinciæ Castellæ utilitati  
consultum foret, post rem diu, diligenterque  
discussam, & auditis circa unius doctrinæ præ-  
alia delectum ejusdem Provinciæ sub Sacra Theo-  
logia Magistris ad eum gradum in universitati-  
bus Studiorum generalium Salmanticen., Com-  
pluten., & Vallisoletan. promotis, Cathedra-  
que ibidem regentibus, unanimes omnium as-  
sensu, nemineque contradicente, aut recla-  
mante, sed uno ore, ac corde decreverunt, ut  
omnes Lectores, & Magistri sive intra Collegia  
d. Provinciæ, sive extra in Universitatibus Stu-  
diorum generalium hujusmodi sub pœna priva-  
tionis lecturæ, aut Cathedræ irremissibiliter ip-  
so facto incurrenda, non aliam, quam ipsius  
Angelici Præceptoris, & communis Magistri  
Divi Thomæ Doctrinam docerent, & defende-  
rent. Hisque accedat, quòd ampla illa, libe-  
raque sentiendi, & opinandi facultas, quæ per  
enarratum Diffinitorii nuperi Capituli Genera-  
lis Decretum Alumni d. Provinciæ Castellæ tri-  
buitur, plurima eidem Provinciæ damna affer-  
ret, multiplicesque inter illius Fratres turbas,  
ac dissensiones excitaret, & vel maxime studio-  
sis, rectoque studiorum ipsorum Ordinis noxia,  
& perniciofa foret, quandoquidem exinde Alu-  
mi præfati ad desideria sua coacervare sibi Ma-  
gistros, ac omni vento doctrinæ circumferri li-  
bere possent, sicque in varias obeuntes senten-  
tias invicem discreparent, atque non sine mu-  
tæ Charitatis detrimento jugiter decertarent,  
facileque evenire posset, quòd ipsi Studentes  
contrariam in S. Theologia, quam in Philoso-  
phia addiscenda apprehenderant opinionem edo-  
cerentur, quinimo in una, eademque scientia  
juxta diversam Magistrorum pro tempore edo-  
centium doctrinam in varias quoque opiniones  
traherentur, Exponentes prædicti hæc, & alia  
non minora mala ex ejusmodi Decreto proven-  
tura considerantes, ut ejusdem Provinciæ Cas-  
tellæ quieti, tranquillitati, ac decori ipsius Fra-  
trum, & præcipue Studentium concordia, &  
progressui prospèctum sit, sublato ejusmodi De-  
creto, unam, certamque ejusdem Angelici Do-  
ctoris, clarissimi Ecclesiæ Dei luminis constanti  
Summorum Pontificum Prædecessorum nostrorum  
testimonio, laudumque præconio tanto-  
pere commendatam Doctrinam in universa Pro-  
vincia præfata constantem retineri, doceri, ac  
propugnari plurimum desiderant, Nobis prop-  
terea humiliter supplicari fecerunt, ut in præ-  
missis opportune providere de benignitate Apo-  
stolica dignaremur.

§. 3. Nos igitur eorumdem Exponentium votis  
hac in re quantum cum Domino possumus favo-  
rabiliter annuere volentes, eorumque singula-  
res personas a quibusvis excommunicationis,  
suspensionis, & interdicti, aliisque Ecclesiasticis  
Sententiis, censuris, & pœnis a Jure vel ab ho-  
mine quavis occasione, vel causa latis, si qui-  
bus quomodolibet innodatæ existunt, ad effectum  
præsentium dumtaxat consequendum, harum se-  
rie absolventes, & absolutas fore censentes, hu-  
jusmodi supplicationibus inclinati; supradictum  
Decretum Definitorii Generalis liberam facultate  
Fratribus præfata Provinciæ Castellæ cujus-  
libet approbati Doctoris sententiam sequendi,  
sicut præmittitur, attribuens, auctoritate Apo-  
stolica tenore præsentium revocamus, annulla-  
mus, & abolemus, viribusque, & effectu peni-  
tus, & omnino vacuumus, ac pro revocato,

nullo, & abolito, viribusque, & effectu peni-  
tus, & omnino vacuo haberi volumus, omni-  
busque, & singulis ipsius Provinciæ Castellæ  
Fratribus, Lectoribus, & Magistris nunc, & pro  
tempore existentibus Constitutiones generales  
Ordinis præfati, dictæque Provinciæ Castellæ  
Ordinationes, & Statuta, quibus prælaudatam  
Doctrinam D. Thomæ profiteri, amplecti, docere,  
& defendere jubentur, ut præfertur, deinceps  
perpetuis futuris temporibus inviolabiliter,  
& inconcussè observari eadem auctoritate harum  
serie præcipimus, & mandamus.

§. 4. Sicque, & non aliter per quoscumque  
Judices Ordinarios, & Delegatos etiam Causa-  
rum Palatii Apostolici Auditores, ac præfata  
S. R. E. Cardinales etiam de latere Legatos, &  
quosvis alios qualibet auctoritate fungentes, seu  
functuros, sublata eis, & eorum cuilibet qua-  
vis aliter judicandi, & interpretandi facultate,  
& auctoritate, judicari, & definiri debere; ac  
irritum, & inane, si fecus super his a quoquam  
quavis auctoritate scienter, vel ignoranter con-  
tingerit attentari, decernimus. In contrarium  
facien. non obstantibus quibuscumque.

Datum Romæ apud S. Petrum sub annulo  
Piscatoris die XIV. Februarii MDCCXXX, Pon-  
tificatus nostri Anno Sexto.

Reducitur Alternativa electionis Vicarii Generalis  
Congregationis Hispaniæ, & Indiarum  
Fratrum Discalceatorum Ordinis Eremitarum  
S. Augustini ad tres tantum Hispaniæ Pro-  
vincias.

Hac de re vide Alexandri VII. Const. ed. 1660. Fe-  
bruarii 23. P. 8.

BENEDICTUS PAPA XIII.

Ad futuram rei memoriam.

EA, quæ pro felici personarum Regularium  
statu in Capitulis Generalibus interdum  
sancita, & auctoritate Apostolica comprobata  
fuerunt cum incommodum afferre, ac earum-  
dem personarum tranquillitati obesse noscuntur  
nostri muneris est provide moderari, & immu-  
tare, prout conspiciamus in Domino salubriter  
expedire.

§. 1. Dudum siquidem pro parte tunc exi-  
stentis Procuratoris Generalis Congregationis  
Hispaniæ, & Indiarum Fratrum Discalceatorum  
nuncupatorum Ordinis Eremitarum Sancti Au-  
gustini se. re. Alexandri Papæ VII. Prædecessori  
nostro exposito, quod in ejusdem Congre-  
gationis Capitulo Generali in Oppido Civita-  
te nuncupato de Calatajud in Aragonia novissi-  
me tunc celebrato determinatum fuerat pro ma-  
jori quiete electionis Vicarii Generalis dictæ  
Congregationis, & ut unusquisque ad inservien-  
dum Religioni magis animaretur, ipsi Alexan-  
dro Prædecessori supplicandum fore, ut con-  
cederet electionem Vicarii Generalis Congre-  
gationis hujusmodi, servata inter B. M. Virginis  
in Columna Aragoniæ, & S. Augustini Cas-  
tellæ novæ, & veteris, necnon Sancti Thomæ  
de Villanova Baticæ superioris, & inferioris, ac  
S. Nicolai Tolentinatis respectivè nuncupatas  
Insularum Philippinarum in Indiis Provincias  
Congregationis prædictæ alternativa, sicut in  
Congregatione Italiæ Fratrum Discalceatorum  
ejusdem Ordinis observabatur; incipiendo a  
memorata Provincia Aragoniæ, fieri debere,  
ita ut eveniente casu, quo Vocales Indiarum  
Capitulo pro tempore celebrando temporè adesse  
non valerent, tunc unus Fratrum Provinciæ sub-  
sequenti juxta ordinem supra expressum in Vi-  
carium Generalem primodiçtæ Congregationis

Clausula.

CCXXXV.

Dat. 14 Feb.  
1730. An. 6.

Proœmium.

Olim d. Al-  
ternativa  
præscripta  
fuit per De-  
cretum Ca-  
pituli Gene-  
ralis, quod  
etiam ab Ale-  
xandro VII.  
approbatum  
fuit, inter  
tres Hispani-  
æ Provin-  
cias, aliæque  
Insularum  
Philippina-  
rum.

Preces pro  
dicta abroga-  
tione.

Abrogatio  
præfati De-  
creti.

eligi



Causa præsentis Constitutionis: grævia nempe incommoda ob nimiam locorum distantiam ex Indiis in Hispaniam.

eligi deberet, idem Alexander Prædecessor supplicationibus sibi per dictum Procuratorem Generalem nomine Fratrum Provinciarum prædictarum super hoc humiliter porrectis inclinatus, præarratam Alternativam electionem Vicarii Generalis Congregationis hujusmodi tanquam Religiosorum tranquillitati, & bono regimini prædictarum Provinciarum proficuum, & consentaneam modo, & forma superius expressis, quatenus (ut asserbatur) in Capitulo Generali sic novissime celebrato legitime fuisset obrenta, auctoritate Apostolica approbavit, & confirmavit, ac juxta prædicti Capituli Decretum fieri, & observari mandavit, & alias prout in ipsius Alexandri Prædecessoris literis desuper in simili forma Brevis die 23. Februarii 1660. expeditis, quarum tenorem præsentibus pro expresso, & ad verbum inserto haberi volumus uberius continetur.

§. 2. Cum autem sicut dilecti filii tam moderatus Vicarius Generalis, quam universi Fratres Disinitorii trium Provinciarum Hispaniæ dictæ Congregationis Nobis nuper exponi fecerunt, memorata Alternativa electio Vicarii Generalis executioni demandari nusquam potuerit, propterea quod supradictæ Provinciæ S. Nicolai Tolentinatis in Insulis Philippinis quatuor numero Fratres, seu vocales, quemadmodum per Constitutiones ejusdem Congregationis auctoritate prædicta confirmatas requiritur, ex Indiis in Hispaniam, ubi Capitulum Generale ipsius Congregationis celebrari consuevit trajicere nequeunt, tum ob nimiam locorum distantiam, tum quia eis non permittitur libera ex illdem Indiis arbitrio suo discedendi facultas, quamobrem dilectus filius Josephus a solitudine assertus Procurator istius Provinciæ anno 1726. petierat Constitutionibus prædictis in hac parte per Nos derogari, ut scilicet attempta difficultate, quam dictæ Provinciæ Fratres, seu Vocales experiebantur ad interveniendum eidem Capitulo Generali numero quaternos per dictas Constitutiones præscripto, statueremus, quod si unus, aut duo, vel tres ex Fratribus, seu vocalibus ipsius Provinciæ Capitulo Generali interessent, is, seu alter eorum necessario eligi deberet in ejusmodi Vicarium generalem, & Sedis Apostolicæ in Regnis Hispaniarum Nuncii relatione, huic petitioni minime annuendum duximus: Et revera alternativa electio Vicarii Generalis quatenus ad effectum perducere vellet; multiplices turbas, aliaque grævia incommoda, quæ cum stabilitate, & determinata fuit minus perpenfa fuerunt, toti Congregationi, ac omnibus quatuor Provinciis præfatis allatura foret, nam ultra grævia dispendia, quæ dicta Provincia S. Nicolai Tolentinatis in Insulis Philippinis in quatuor ipsius Fratribus, seu Vocalibus ad Capitulum Generale hujusmodi mittendis, facere deberet, ac longæ Navigationis discrimina, quæ istis subeunda forent, Sacrarumque Missionum, quibus in illis Partibus pro conversione Infidelium ad Catholicæ Religionis veritatem assidue vacare tenentur detrimentum, si Vicarium Generalem, qui foret de dicta Provincia ab humanis decedere, vel ægrotare contingeret, diu nimis ob locorum intervalla expe-

ctandum foret, antequam Vicarius Generalis in Defuncti, vel Ægroti locum subrogari posset, ac interim præfata Congregatio sine Capite, ac Superiore remaneret, ipsi Exponentes, quo his, aliisque diversis malis, & perturbationibus ex dicta Alternativa electione proventuris occurratur, simulque salubri, ac tranquillo ejusdem Congregationis regimini prospèctum sit, ipsam electionem Vicarii Generalis in pristinum, ac eum in quo ante Decretum supradicti Capituli Generalis erat, statum scilicet inter tres Provincias Hispaniæ tantum reduci plurimum desiderant. Nobis propterea humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

§. 3. Nos igitur ipsos Exponentes specialibus favoribus, & gratis prosequi volentes, eorumque singulares personas a quibusvis excommunicationibus, suspensionibus, & interdictis, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existant, ad effectum præsentium dumtaxat consequendum, harum serie absolventes, & absolutos fore consentes, supplicationibus inclinati, supradictam alternativam electionem Vicarii Generalis inter quatuor Provincias Aragoniæ, Castellæ, Batiçæ, & Insularum Philippinarum Congregationis prædictæ, sicut præmittitur, constitutam, expeditaque desuper Alexandri Prædecessoris literas præfatas, ad solas dictas tres Aragoniæ, Castellæ, & Batiçæ Provincias eadem auctoritate tenore præsentium reducimus, illamque deinceps inter easdem tres Provincias dumtaxat, prout ante Decretum, & literas ejusmodi servari, ac fieri statuimus, & ordinamus.

§. 4. Decernentes easdem præfatas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac d. Sedis Nuncios judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, necnon prædictarum Ordinis, Congregationis, aliisque quibusvis, etiam Juramento, confirmatione Apostolica, aut quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XIV. Februarii MDCCXXX. Pontificatus Nostri Anno Sexto.

Preces pro reductione.

Reductio prædictæ Alternativæ ad tres tantum Provincias Hispaniæ.

Causula.